

# EPOKA

# ERE

E përditshme e pavarur  
Viti XX, nr. 6172  
E hënë, 23 nëntor 2020  
çmimi 0.40 €

## Veliaj i bashkohet nismës "Liria ka emër, UÇK" FAQE 2



Na ndiqni edhe në:

[www.epokaere.com](http://www.epokaere.com)

facebook.com  
Gazeta "Epoka e re"

AWR ABBRUCH GMBH  
[www.awr-abbruch.de](http://www.awr-abbruch.de)

SPITALET DHE KLINIKAT NË KOSOVË JANË MBUSHUR  
ME PACIENTË TË INFEKTUAR ME COVID-19 FAQE 4-5

## RENDOHET GJENDJA ME COVID NË KOSOVË, NUK RESPEKTOHEN MASAT



Instituti Kombëtar i Shëndetësisë Publike i Kosovës (IKShPK) ka njoftuar të dielën se në 24 orët e fundit, dhjetë pacientë kanë vdekur nga Covid-19 dhe janë regjistruar edhe 707 raste të reja me Covid. Ministri i Shëndetësisë, Armend

Zemaj, së bashku me ushtruesin e detyrës së drejtorit të ShSKUK-së, dr. Saudin Maliqi, gjatë fundjavës ka vizituar klinikat e QKUK-së për ta parë gjendjen sa iu përket hapësirave dhe situatës me barna për trajtim të pacientëve me Covid-19. Zemaj ka

theksuar se spitalet dhe klinikat janë të mbushura me pacientë të infektuar me Covid. Ai ka thënë se respektimi i masave për pengimin e përhapjes së virusit dhe luftimin e tij nuk është në nivelin e duhur, pasi rastet pozitive dhe rastet e vdekjeve po shtohen

## II. DICK MARTY DHE PROPAGANDA SERBE


FAQE 3



Shkruan: Bardhyl  
MAHMUTI

## KUSH I PAGUAN AVOKATËT PRANË GJYKATËS NË HAGË?

FAQE 7



**RENOVA**  
PUTZ  
Magedoni  
Xhepçisht - Tetovë  
Curëz-Ferizaj  
Tel: +389 44 487 300; +389 44 487 009  
+389 44 487 755  
Fax: +389 44 487 200  
Mob: +377 44 501 289  
E-mail: [renova@mt.net.mk](mailto:renova@mt.net.mk)



NDËRTIM  
PROJEKTIM  
SHITJE  
INFO: 049-111-101,  
044-511-177  
[www.princesha-ks.com](http://www.princesha-ks.com)

**Bunjamini**  
FABRIKA E LLAQEVE  
MITROVICË  
044/256-051  
044/367-061  
028/532-617  
STYROKOL · BUNJAKOL · EUROFASADË

NEVOJA E NDËRTIMIT  
TË AUTOSTRADËS  
NË KOHË PANDEMIE F. 9

KOMUNAT DUHET  
TË JENË MË PËRKRAHËSE  
NË ZHVILLIMIN E EKOSISTEMIT  
TË NDËRMARRËSISH F. 8

## SPORT

NUK GABOJNË FAVORITËT F. 14



**Kolegji  
BIZNESI**  
[www.kolegjibiznesi.com](http://www.kolegjibiznesi.com)  
[info@kolegjibiznesi.com](mailto:info@kolegjibiznesi.com)  
038 500 878 | 045 500 878  
044 500 878 | 049 500 878

**SIGMA**  
VIENNA INSURANCE GROUP  
SIGMA INTERALBANIAN VIENNA INSURANCE GROUP S.H.A  
DEGA KOSOVË

Rruga "Pashko Vasa", p.n Prishtinë, Kosovë,  
Tel: +381 (0)38 246 301 Fax: +381 (0)38 246 302,  
E-mail: [info@sigma-ks.net](mailto:info@sigma-ks.net) | [www.sigma-ks.net](http://www.sigma-ks.net)



Endrit Shaqiri  
+38344685122

Internet Website,  
Marketing...

## Veliaj i bashkohet nismës 'Liria ka emër, UÇK'

PRISHTINË, 22 NËNTOR- "Liria ka emër, UÇK" është një ndër nismat që është kthyer në virale në rrjetet sociale në mbështetje të ish-përfaqësuesve të UÇK-së që janë thirrur në Hagë. Kësaj nisme i është bashkuar edhe kryebashkiaku i Tiranës, Erion Veliaj i cili ka pritur në zyrën e tij, bashkë me Pandeli Majkon, disa prej organizatorëve të saj, deputeten Eliza Hoxha dhe regjisoren Burbuqe Berisha. Veliaj ka theksuar se gjykimi i udhëheqësve të UÇK-së është rast i paprecedent, dhe një proces nga i cili do të dalin ballëlartë të gjithë ata që bënë realitet përpjekjet për liri. "Me

shoqen time të mirë Eliza Hoxha, regjisoren Burbuqe Berisha, e Pandi Majko, i cili qëndroi pranë Kosovës gjatë kohërave të vështira, kur ai ishte kryeministër i Shqipërisë. Liria e pavarësia ishin ideali i vetëm i luftës së pastër të Ushtrisë Çlirimtare të Kosovës. Gjykimi i udhëheqësve të UÇK-së është rast i paprecedent, dhe një proces nga i cili do të dalin ballëlartë të gjithë ata që bënë realitet përpjekjet për liri. Liria ka emër, e ky emër është gravurë në gjakun e mijëra të rënëve për liri e të gjallëve që e çuan në vend amanetin", ka shkruar Veliaj në llogarinë e vet në "Faebook".



## Evropa po shqyrton mundësinë e lehtësimit të masave para Krishtlindjes

PARIS, 22 NËNTOR- Disa javë në përballje me valën e dytë të koronavirusit, disa vende në Evropë po shqyrtojnë mundësinë e lehtësimit të masave kufizuese, pas disa sinjaleve se masat e ndërmarra kanë frenuar përhapjen e pandemisë.

Lehtësimi i mundshëm i masave kufizuese vjen pothuajse një muaj para Krishtlindjes, teksa ka shqetësime për ndikimin social dhe ekonomik të masave kufizuese. Presidenti i Francës, Emmanuel Macron do të mbajë një fjalim lidhur me situatën me



pandeminë dhe mund të njoftojë për heqjen e pjeshme të masës së mbylljes kombëtare,

që është në fuqi që prej 30 tetorit. Në Gjermani është duke u diskutuar nëse duhet që vendimi

për mbyllje të pjeshme që pritet të skadojë më vonë gjatë këtij muaji, të vazhdohet apo jo. Në Poloni, kryeministri Mateusz Morawiecki ka paralajmëruar qytetarët kundër çdo udhëtimi gjatë kohës së Krishtlindjes, por tha se dyqanet do të lejohen të rihapen plotësisht nga 28 nëntori. Teatrot, baret dhe restorantet do të jenë të mbyllura deri pas Krishtlindjeve dhe në shkollat do të vazhdojë mësimi nga distanca.

Italia po ashtu po përpiket të shpëtojë krishtlindjen e parë në erën e koronavirusit. Më 3

dhjetor atje skadojnë masat aktuale dhe po punohet për përcaktimin e rregullave në periudhën e festave. Zyrtarët thonë se dy javët e ardhshme do të jenë thelbësore. Ata flasin për rregulla mbi lëvizjet mes rajoneve, por nuk do të ketë lëshime për evente në sheshe, e as për festa, mbi të gjitha në natën e ndërrimit të viteve. Vetë kryeministri Conte ka pohuar pak ditë më parë se duhet të përgatitemi për Krishtlindje më ndryshe, me festimet, puthjet dhe përqafimet që nuk do të jenë të mundura.

## Monika Kryemadhi rizgjedhet kryetare e LSI-së

TIRANË, 22 NËNTOR- Monika Kryemadhi është zgjedhur edhe për një mandat në postin e kryetares së Lëvizjes Socialiste për Integrim (LSI). Kryemadhi pa asnjë kundërkandidat ka marrë gjithsej 42 mijë e 807 vota, nga 44 mijë e 413 sa kanë votuar. Lajmin e ka barë me dije kryetarja e Komisionit Qendror Zgjedhor të LSI-së, Silvana Caka, në një konferencë për medie. "Ju bëjmë me dije, se për shkak të ndalimit të qarkullimit prej 22:00-06:00 materialet

zgjedhore për disa qendra votimi jashtë qarkut të Tiranës janë dorëzuar pranë Komisionit Qendror të Zgjedhjeve gjatë paradites së sotme. Bazuar në tabelat përmbledhëse të rezultateve, konfirmojmë se ka përfunduar procesi i numërimit të fletëve të votimit për kryetarin e Lëvizjes Socialiste për Integrim. Nga rezultatet e administruara kanë votuar 44 413 anëtarë nga të cilët 42 807 votuan pro kandidatit për kryetar të Lëvizjes Socialiste për Integrim,

zonjën Monika Kryemadhi. Bazuar në rezultatet e mësipërme Komisioni Qendror i Zgjedhjeve shpall kryetare të Lëvizjes Socialiste për Integrim, Monika Kryemadhin", ka thënë Caka.

Ajo ka bërë me dije se është duke vazhduar procesi i numrit të votave për delegatët e Konventës Kombëtare, ndërsa ka inkurajuar grupet e numërimit për të nxjerrë sa më shpejt rezultatit për ekipin fitues të Lëvizjes Socialiste për Integrim.



## Pas Greqisë, edhe Mali i Zi mbyll kufirin me Shqipërinë

PODGORICË, 22 NËNTOR- Autoritetet e Policisë Malazeze, në bazë të një njoftimi zyrtar që i kanë dërguar Pikës së Kalimit Kufitar Bozhaj/Hani i Hotit,

kanë sqaruar se në kuadër të kufizimeve të reja për shkak të pandemisë Covid-19, deri më 23 nëntor do të lejohen të hyjnë në Malin e Zi, vetëm personat me leje qëndrimi, me

leje pune, ata të cilët kalojnë transit në territorin malazez dhe ata që udhëtojnë drejt Aeroportit të Podgoricës (të cilët duhet të jenë të pajisur me prenotimet e biletave).

Policia Kufitare Shkodër, iu bën thirrje të gjithë qytetarëve të cilët nuk bëjnë përjashtim nga këto kufizime, të shmangin udhëtimin në drejtim të këtyre Pikave të Kalimit Kufitar.





Shkruan: Bardhyl MAHMUTI

## II. Dick Marty dhe propaganda serbe

Shpallja e pafajësisë së plotë të komandantëve të UÇK-së nga Gjykata Penale Ndërkombëtare për ish-Jugosllavi dhe hedhja poshtë e shpifjeve serbe për gjoja "trafikimin e organeve njerëzore nga UÇK-ja" pati ndikim edhe te sajuesit e dosjeve kundër UÇK-së. Sipas pohimeve të Vladimir Bozhoviqit, "dokumentacioni i plotë i këtyre dosjeve mbeti në godinën e qeverisë federale dhe atë e morën Sanda Rashkoviç-Iviq dhe njerëzit e saj. Sipas njohurive që kam, më vonë një pjesë e dokumentacionit u shkatërrua, ndërsa një pjesë ngeli aty dhe për fatin e saj nuk di asgjë. Por, e di se pas kësaj kohe asgjë nuk është punuar, vdiq çdo aktivitet" [Politika, *Zatrgovinuorganima Beograd saznao pre devet godina* (Për tregtinë me organe Beogradi ka qenë në dijeni para nëntë vjetësh), 01.01.2011].

Të asgjësosh një pjesë të dokumenteve për "krimet më të neveritshme" që pretendohej se u ishin bërë serbëve në kampet e Shqipërisë dhe të bësh që edhe në Beograd "të vdesë" aktiviteti për ndriçimin e këtyre krimeve të rënda, është dëshmi se edhe trilluesit e kësaj gënjeshtre ishin të bindur se askush nuk u besonte "përrallave dhe legjendave" të tyre! Mirëpo, përveç Carla Del Pontes dhe John Clint Williamsonit, Dick Marty, një ish-prokuror tjetër zviceran që ishte "konvertuar" në politikan, u shqua në shpërndarjen e sajësive të Shërbimit Sekret të Serbisë.

Gjatë tërë periudhës së zbatimit të gjenocidit kundër shqiptarëve në Kosovë, ky ish-prokuror që përfaqësonte Partinë Liberale-Radikale zvicerane në Asamblenë

Federale, asnjëherë nuk e kishte ngritur zërin për ta kërkuar ndërprerjen e fushatës ushtarake dhe policore serbe në Kosovë, megjithëse botërisht dihej se gjatë asaj fushate u vranë mijëra civilë shqiptarë dhe qindra mijëra të tjerë u dëbuan me qëllim të spastrimit etnik të Kosovës. Mirëpo, ndërhyrja e Aleancës Veriatlantike për ta ndërprerë barbarinë e Serbisë ndaj shqiptarëve, mobilizoi Dick Martyn të dilte në ballë të mobilizimeve që kërkonin ndërprerjen e bombardimeve kundër caqeve të ushtrisë dhe policisë serbe! Dick Marty, së bashku me 19 ẽdeputet të parlamentit zviceran, i rekomanduan Këshillit Federal të Zvicrës "masat që synonin t'i jepnin fund luftës në Kosovë". Në këto rekomandime kërkohej nga institucioni më i lartë qeverisës i vendit të tyre që të bëjë çdo gjë që ishte e mundur për të ardhur deri te një "armëpushim mes palëve, të vendoset një trupë neutrale për të ruajtur paqen dhe të përgatitet terreni për zgjidhje politike". [L'Assabléefédérale- le

Parlament suisse, Mesuresvisant à mettre fin à la guerre au Kosovo, 21.04.1999, Recommendation 99.317 1 (Masat që synojnë t'i japin fund luftës në Kosovë, Rekomandimi 99.317 1, deponuar nga Dick Marty)]. Në këtë kontekst vlen të theksohet fakti se Dick Marty mbështeti pa asnjë rezervë qëndrimet e Slllobodan Millosheviqit që e cilësonin ndërhyrjen e NATO-s si "agresion ilegal, pa miratimin e OKB-së" dhe kërkesat e tij për "ndërprerjen e luftës dhe përgatitjen e terrenit për një

zgjidhje politike" (RéseauVoltaire, Dick Marty: "L'indépendancedu Kosovon'a pas été décidée à Pristina", entretien avec Silvia Cattori (Dick Marty: Pavarësia e Kosovës nuk u vendos në Prishtinë, intervistë me Silvia Cattori).

Për të denoncuar "agresionin ilegal kundër Serbisë, pa miratimin e OKB-së", Dick Marty ishte tepër i zëshëm! Por, kur ai i rekomandon Këshillit Federal të Zvicrës që të bëjë çdo gjë që ishte e mundur për të ardhur deri te një "armëpushim në mes palëve, të vendoset një trupë neutrale për të ruajtur paqen dhe të përgatitet terreni për një zgjidhje politike", Dick Marty as që përmend OKB-në. Sipas kësaj logjike, anashkalimi i Këshillit të Sigurimit të OKB-së për të ndërprerë bombardimet kundër regjimit të Millosheviqit nuk ishte ilegal!

Të kërkuar më 21 prill 1999 vendosjen e një "trupe neutrale për të mbikëqyrur armëpushim mes palëve dhe për të ruajtur paqen" dhe të luash rolin e injorantit që gjoja nuk e di se një armëpushim ndërmjet "palëve ndërluftuese" ishte arritur më 13 tetor 1998 dhe se për mbikëqyrjen e këtij armëpushimi u caktua Misioni Verifikues i OSBE-së me pjesëtarë të paarmatosur, nuk është asgjë tjetër pos përpjekje për të fshehur të vërtetën se ky mision dështoi për shkak të politikës së gjenocidit që kishte përpiluar shteti serb.

Të kërkuar më 21 prill 1999 që "të ndërpriten bombardimet kundër Serbisë" dhe të vendoset një "trupë neutrale" në të cilën nuk do të ketë pjesëtarë të shteteve të përfshira në këto bombardime,

dhe të luash rolin e injorantit që gjoja nuk e di se shumica e shteteve të demokracive perëndimore ishin të angazhuara në operacionet e NATO-s, nuk është asgjë tjetër pos mbështetje e hapur e kërkesave të Slllobodan Millosheviqit që kjo "trupë neutrale" të përbëhej nga pjesëtarë të forcave ruse, bjelloruse, kineze, indiane apo të ndonjë vendi tjetër që dënonte sulmet e NATO-s.

Të kërkuar më 21 prill 1999 që "të përgatitet terreni për një zgjidhje politike" të Çështjes së Kosovës dhe të luash rolin e injorantit që gjoja nuk e di që Serbia nuk nënshkroi Projekt-Marrëveshjen e propozuar në Konferencën Ndërkombëtare të Rambujesë për shkak të planeve gjenocidare, nuk është asgjë tjetër pos mishërim i plotë me propagandën e regjimit të Millosheviqit.

Lufta përfundoi ashtu siç e dinë të gjitha ata që kanë qenë të interesuar për këtë çështje. Edhe forcat ndërkombëtare civile dhe ushtarake u vendosën në Kosovë për të siguruar paqen dhe për të përgatitur parakushtet për fillimin e dialogut lidhur me përcaktimin e statutit politik final të Kosovës.

Në përputhje me vendimet e Këshillit të Sigurimit të Kombeve të Bashkuara Marti Ahtisaari dhe Albert Rohan u caktuan të dërguar special për të udhëhequr këto bisedime. (Kombet e Bashkuara, doc. S/2005/709, 10 nëntor 2005). Në kapitullin e shtatë të librit "Mashtrimi madh" kam trajtuar hollësisht këtë proces dhe të gjithë të interesuarit për këtë çështje dhe për burimet zyrtare që lidhen me këtë proces mund ta konsultojnë librin falas në faqen e internetit

Qendrës "Gjenocidi në Kosovë-Plagë e hapur" (<https://kosovogencide.com>).

Në këtë memorandum po kufizohem vetëm në konkluzionet e "Propozimit gjithëpërfshirës për zgjidhjen e statusit të Kosovës" të ekipit të Marti Ahtisaarit. Në Mbledhjen e Këshillit të Sigurimit Kombeve të Bashkuara, të datës 26 mars 2007, Sekretari i Përgjithshëm i saj, Ban Ki-moon-i, theksoi se "pas më shumë se një viti bisedimesh të drejtpërdrejta, negociatash bilaterale dhe konsultimesh mes ekspertëve, Marti Ahtisaari kishte ardhur në përfundim se "duke shqyrtuar historinë e re të Kosovës dhe realitetin e tanishëm dhe duke zhvilluar negociatën me të dyja palët, kam arritur te përfundimi se opsioni i vetëm i qëndrueshëm për Kosovën është pavarësia e saj".

Bisedimet vazhduan edhe 120 ditë të tjera dhe, më në fund, në përputhje të plotë me konkluzionet e raportit të Marti Ahtisaarit, më 17 shkurt 2008 Kuvendi i Kosovës shpalli Kosovën shtet të pavarur.

Pas dështimeve diplomatike për ta penguar shpalljen e pavarësisë së Kosovës, diplomacia serbe u mobilizua për ta paraqitur këtë shpallje si të ishte në kundërshtim me të drejtën ndërkombëtare. Nga të gjithë intelektualët e profesioneve të ndryshme, që kishin për emërues të përbashkët anti-amerikanizmin si këndvështrim ideologjik që u rreshtuan përkrah interpretimit serb të së drejtës ndërkombëtare, në vazhdim do t'i përmend vetëm Carla Del Ponten dhe Dick Martin. (VIJON)



SPITALET DHE KLINIKAT NË KOSOVË JANË MBUSHUR ME PACIENTË TË INFEKTUAR ME COVID-19

# RENDOHET GJENDJA ME COVID NË KOSOVË, NUK RESPEKTOHEN MASAT

Instituti Kombëtar i Shëndetësisë Publike i Kosovës (IKShPK) ka njoftuar të dielën se në 24 orët e fundit, dhjetë pacientë kanë vdekur nga Covid-19 dhe janë regjistruar edhe 707 raste të reja me Covid. Ministri i Shëndetësisë, Armend Zemaj, së bashku me ushtruesin e detyrës së drejtorit të ShSKUK-së, dr. Saudin Maliqi, gjatë fundjavës ka vizituar klinikat e QKUK-së për ta parë gjendjen sa iu përket hapësirave dhe situatës me barna për trajtim të pacientëve me Covid-19. Zemaj ka theksuar se spitalet dhe klinikat janë të mbushura me pacientë të infektuar me Covid. Ai ka thënë se respektimi i masave për pengimin e përhapjes së virusit dhe luftimin e tij nuk është në nivelin e duhur, pasi rastet pozitive dhe rastet e vdekjeve po shtohen

Armend Zemaj, së bashku me ushtruesin e detyrës së drejtorit të ShSKUK-së, dr. Saudin Maliqi, gjatë fundjavës ka vizituar klinikat e QKUK-së për ta parë gjendjen sa iu përket hapësirave dhe situatës me barna për trajtim të pacientëve me Covid-19. "Personeli shëndetësor, në çdo klinikë dhe spital, përkundër lodhjes dhe ngarkesave, janë në krye të

detyrës. Kërkova që pacientët ta kenë trajtimin e duhur, të mos ketë mungesa, as të hapësirave, as barnat e Listës Esenciale dhe atyre të protokolleve, oksigjeni dhe çdo gjë tjetër për trajtimin efikas të pacientëve", ka thënë Zemaj. Ai ka shtuar se klinikat dhe spitalet janë të mbushura. "Personeli shëndetësor është tejet i angazhuar, por jeta e qytetarëve tanë është më e

vlefshme se çdo gjë tjetër", është shprehur ai.

Ministri Zemaj ka bërë thirrje për respektim të masave anti-Covid. "Respektimi i masave për pengimin e përhapjes së virusit dhe luftimin e tij nuk është në nivelin e duhur sepse rastet pozitive dhe rastet e vdekjeve po shtohen. Mos i jepni rast virusit. Ndryshoni sjelljen tuaj. Numri i madh i



**EPOKA  
ERE**

Mal QORRAJ

PRISHTINË, 22 NËNTOR - Gjatë 24 orëve të fundit janë raportuar edhe dhjetë raste të vdekjes nga Covid-19 dhe 707 raste të reja me këtë virus. Rastet e vdekjes janë nga komunat: Prishtinë katër raste (87, 82, 77, 74 vjeç), Dragash një rast (45 vjeç), Istog një rast (54 vjeç), Klinë një rast (57 vjeç), Podujevë një rast (82 vjeç), Shtime një rast (77 vjeç), Vushtrri një rast (63 vjeç). Sipas

të dhënave nga Instituti Kombëtar i Shëndetësisë Publike të Kosovës, numri total i rasteve pozitive është 34 295 raste nga 131 186 persona të dyshimtë me këtë virus dhe 914 raste të vdekjes. "Gjatë 24 orëve të fundit janë shëruar 550 pacientë derisa numri i përgjithshëm i të shëruarve deri më sot është gjithsej 21 043 raste, kurse numri i rasteve aktive është 12 338", ka njoftuar IKShPK-ja. Ministri i Shëndetësisë,

personave me virusin Covid-19 dhe numri i madh i rasteve të vdekjeve do shërbyer si sinjal i fuqishëm për pakujdesinë në shtetin tonë”, ka thënë ai.

Zemaj ka thënë se derisa ende nuk janë në përdorim vaksinat kundër virusit, mënyra e vetme për t'u mbrojtur, është distanca, maska dhe higjiena. “Zbatoni masat kundër virusit vdekjeprurës, ndryshe numrat nuk do të ulën. Ndryshoni sjelljen tuaj për ta ndryshuar gjendjen në Republikën tonë, ndryshe na presin sfidat edhe më të mëdha!”, ka thënë ministri Zemaj.

Edhe Instituti Kombëtar i Shëndetësisë Publike i Kosovës përmes një reagimi ka bërë thirrje që të respektohen masat anti-Covid. “Mbani maska, mbronni të afërmit tuaj! Maskat janë të obliguara kudo! Mbani distancën! Virusit është gjithandej! Mos lejoni të rrezikoni kaq shumë jetë! Ruani personat me sëmundje kronike dhe të moshuarit! Ruani veten dhe të afërmit tuaj! Na ruani neve punëtorëve shëndetësorë që t'ju ruajmë shëndetin tuaj!”, është bërë me dije në reagimin e Institutit Kombëtar të Shëndetësisë Publike të Kosovës.

Javën e kaluar deputetët e Kuvendit të Kosovës kanë debatuar në një seancë plenare lidhur me menaxhimin e situatës me pandeminë Covid-19. Deputetët e opozitës kanë theksuar se situata me pandemi është përkeqësuar. Sipas tyre, numri i madh i rasteve të prekure me virus dhe vdekjeve është alarmant.

Ministria e Shëndetësisë ka data 20 nëntor 2020, ka njoftuar për masat e reja që do të jenë në fuqi për komunat e Kosovës, sipas kategorizimit të ri lidhur me numrin e të infektuarve në 100 000 banorë.

Në zonën e kuqe bëjnë pjesë komunat me rrezik të lartë apo komunat me mbi 151 të infektuar në 100.000 banorë brenda javës. Në këtë zonë janë

18 komuna: Prishtina, Fushë-Kosova, Gjilani, Obiliqi, Gjakova, Shtimja, Podujeva, Peja, Ferizaj, Mitrovica e Jugut, Vushtrria, Lipjani, Vitia, Zveçani, Leposaviqi, Zubin Potoku, Mitrovica e Veriut dhe Kamenica.

Në zonën e verdhë bëjnë pjesë komunat me rrezik të mesëm, apo komunat prej 76 deri në 150 të infektuar në 100.000 banorë brenda javës. Në këtë zonë janë 14 komuna: Prizreni, Klina, Deçani, Drenasi, Malishevë, Suhareka, Novobërda, Graçanica, Ranillugu, Parteshi, Kaçaniku, Klokoti, Rahoveci dhe Skenderaj.

Në zonën e gjelbër bëjnë pjesë komunat me rrezik të ulët apo komunat prej 1 deri në 75 të infektuar në 100.000 banorë brenda javës. Në këtë zonë bëjnë pjesë 6 komuna: Mamusha, Dragashi, Shtërpca, Juniku, Istogu dhe Hani i Elezit.

### Policia, e mobilizuar për zbatimin e masave anti-Covid

Policia e Kosovës, gjatë zbatimit të masave të ndërmarra nga institucionet e vendit, si pasojë e pandemisë Covid-19, për njëzet e katër orët e fundit, kanë shqiptuar dënime për mosrespektim të këtyre masave. Në raste të veçanta Policia e Kosovës po ashtu ka asistuar inspektorët sanitarë komunalë, në kontroll të lokaleve hoteliere të cilat janë takuar duke mos i përmbushur masat anti-Covid. “Policia e Kosovës i thërret qytetarët që t'i respektojnë me përpikëri masat e ndërmarra nga ana e institucioneve të vendit që kanë vetëm një qëllim: mbrojtjen e shëndetit të qytetarëve tanë, në të kundërtën policia do të jetë e detyruar të veprojë komfor Ligjit anti-Covid dhe t'i ndëshkojë të gjithë ata që bien ndesh me këtë ligj”, është theksuar në njoftimin e Policisë së Kosovës.



### PDK-ja thotë se qeveria dështoi ta menaxhojë pandeminë në shkollat dhe mësimin online

Deputeti i Partisë Demokratike të Kosovës, Sejdi Hoxha, ka thënë se Qeveria e Kosovës ka dështuar ta menaxhojë pandeminë në shkollat e Kosovës duke mos ofruar masa mbrojtëse ndaj Covid-19 ku, si pasojë, shumë shkolla u mbyllën e shumë nxënës e mësimdhënës u infektuan me virus. Ai tha se shumë shkolla në mbarë vendin u lanë nga qeveria pa dezinfektues dhe nuk u bë dezinfektimi i hapësirave shkollore. Deputeti Hoxha, po

ashtu, theksoi faktin se qeveria aktuale e Avdullah Hotit, njësoj si qeveria e Albin Kurtit, po dështon ofrimin e mësimin online, ku nxënësit kosovarë po humbin komplet një vit shkollor duke shikuar vetëm ligjërata të përsëritura në televizion. Ai tha se, përveç dështimit të plotë në organizimin e mësimin në pandemi, qeveria aktuale po i politizon tërësisht bordet e universiteteve dhe për këtë paralajmëroi thirrjen e ministrit të Arsimit në përgjegjësi parlamentare. “PDK-ja është shumë e shqetësuar me papërgjegjësinë e kësaj qeverie rreth moszbatimit të masave mbrojtëse kundër Covid-19 në institucionet edukative-

arsimore. Sot shkollat në Kosovë nuk janë të furnizuara me dezinfektues, nuk bëhet dezinfektim i rregullt i hapësirave publike në shkollat, nuk dërgohen fare ekipet mjekësore të cilat duhet të përkujdesen për shëndetin e nxënësve, mësimdhënësve, stafit teknik dhe administrativ. Si rezultat i këtij moskujdesi virusi po përhapet me shpejtësi të madhe në shumë shkolla anekënd Kosovës. Qeveria e Kosovës, edhe pse bëri rishikimin e buxhetit në kohë pandemie, nuk parashikoi mjete financiare shtesë me të cilat do të mund ta rriste nivelin e respektimit të masave mbrojtëse në shkollat”, ka thënë ai.

## Mustafa e lë të hapur mundësinë që të bëhet president pas zgjedhjeve të reja

PRISHTINË, 22 NËNTOR- Kryetari i Lidhjes Demokratike të Kosovës (LDK), Isa Mustafa është duke e lënë të hapur të marrë edhe pozitën më të lartë shtetërore, atë të presidentit të Kosovës, por vetëm pas zgjedhjeve të reja. Gjatë ditëve të ardhshme, ai ka paralajmëruar tryezë për të diskutuar për emrin e mundshëm të shefit të shtetit. Nëse nuk merren vesh për president, Mustafa ka paralajmëruar marrëveshje për zgjedhje. “Në këtë mandat, LDK-ja e ka kryeministrin e vendit. Nuk pretendojmë edhe pozitën e presidentit. Nëse shkojmë në zgjedhje, çdo

opsion mbetet i hapur”, ka thënë Mustafa. Lideri i partisë më të madhe në qeveri ka thënë se zgjedhjet nuk duhet të mbahen, por nëse dështon pajtimi për një emër të presidentit atëherë zgjedhjet janë të pashmangshme. “E vlerësojmë se zgjedhjet në këtë situatë pandemie nuk do duhej të mbahen. Por, në qoftë se nuk pajtohem për presidentin, do të pajtohem për zgjedhje”, ka thënë Mustafa për “Telegrafin”. Aktualisht, Kosova s'ka president ndërsa në zyrën e shefit të shtetit ndodhet kryetarja e Kuvendit, Vjosa Osmani.



# Kosova hesht, OKB i sugjeron dëmshpërblim për gjashtë shtetasit e dëbuar turq



**PRISHTINË, 22 NËNTOR-** Gjashtë shtetasit turq Kahraman Demirez, Mustafa Erdem, Hasan Huseyin Gunakan, Yusuf Karabina, Osman Karakaya dhe Cihan Ozkan të arrestuar në Kosovë dhe të dëbuar në Turqi në mars 2018, u dënuan me 56 vjet dhe 7 muaj e gjysmë burgim. Por, përkundër shumë raporteve vendore e ndërkombëtare, institucionet e drejtësisë në Kosovë deri më tani nuk kanë ngritur asnjë aktakuzë ndaj personave që dyshohen se kanë shkelur ligjin gjatë arrestimit dhe dëbimit të tyre. Për këtë rast, shkelje të ligjeve të Kosovës, Kushtetutës dhe konventave ndërkombëtare ka konstatuar së fundmi edhe Këshilli për të Drejtat e Njeriut i Organizatës së Kombeve të Bashkuara (OKB). Në një raport të publikuar nga Grupi i Punës për Ndalimin Arbitrar, që është një organ i përbërë nga ekspertë të pavarur për të drejtat e njeriut që hetojnë rastet e arrestimit dhe ndalimit arbitrar,

kritikohen institucionet e Kosovës për veprimet e paligjshme në rastin e dëbimit të gjashtë shtetasve turq. Në raportin e publikuar nga Këshilli për të Drejtat e Njeriut, dëshmohet se si institucionet e Kosovës nuk i janë përgjigjur grupit punues të OKB-së që ka kryer hetim për këtë rast. Ky grup, në muajin dhjetor të vitit të kaluar përmes misionit të OKB-së në Kosovë, UNMIK, i ka dërguar kërkesë zyrtare institucioneve të Kosovës, duke kërkuar që të sqarohen veprimet e ndërmarra në rastin e arrestimit dhe dëbimit të gjashtë shtetasve turq. “Grupit Punues i vije keq që nuk ka pranuar përgjigje nga Kosova”, thuhet në raport. Grupi Punues konstaton shkelje të shumta duke përfshirë ato që janë bërë nga Agjencia e Kosovës për Inteligjencë, Policia e Kosovës si dhe institucionet të tjera të përfshira në aksionin e 29 marsit, 2018. Në raport më tej thuhet se ka dyshime të shumta se akuzat

ndaj gjashtë shtetasve turq, janë të pabazuara. Grupi Punues kërkon lirim të dënuarve si dhe kërkon nga institucionet e Kosovës “që të garantojnë kompensim dhe dëmshpërblime të tjera në përputhje me ligjin ndërkombëtar”. Më 4 korrik të vitit të 2019, Prokuroria Speciale e Kosovës i tha “Radios Evropa e Lirë” se “janë marrë në pyetje dëshmitarë si dhe një numër mjaft i madh i të dyshuarve”. Por, hetimet që filluan në vitin 2018 nuk është se kanë prodhuar ndonjë rezultat. Që nga kjo kohë, Prokuroria Speciale e Kosovës nuk ka dhënë ndonjë informacion për hetimet apo ngritjen eventuale aktakuzave. Të pyetur disa herë nga “Radio Evropa e Lirë” se në çfarë faze janë hetimet, Prokuroria Speciale e Kosovës nuk ka kthyer përgjigje. “REL” ka provuar sërish që të marrë informacione nëse hetimet kanë përfunduar me ngritjen e ndonjë aktakuze,

por zyrtarët e Prokurorisë nuk janë përgjigjur. Juristi Kushtrim Palushi thotë se është e pakuptimtë heshtja e organeve të drejtësisë në këtë rast. Kuvendi i Kosovës kishte krijuar një komision hetues që konstatoi më shumë se 30 shkelje me rastin e dëbimit. Pavarësisht se raporti i këtij komisioni i është dorëzuar edhe Prokurorisë së Kosovës, ish-anëtari i këtij komisioni, Sami Kurteshi, nuk beson se në Kosovë ka hetues apo prokuror që guxon t’i hetojë personat që kanë qenë të përfshirë drejtpërsëdrejti në këtë rast. Përveç organizatave joqeveritare, edhe Avokati i Popullit në Kosovë, kishte konstatuar dhjetëra shkelje në operacionin e arrestimit dhe dëbimit. Ky institucion kishte kërkuar hetime penale për personat përgjegjës. Për këtë rast, Inspektorati Policor i Kosovës kishte parashtruar kallëzim penal ndaj 22 zyrtarëve të Policisë së

Kosovës të cilët kishin qenë të përfshirë në operacionin e arrestimit dhe dëbimit.

Por, Prokuroria Speciale e Kosovës nuk është përgjigjur as në pyetjen se çfarë ka ndodhur me këto kallëzime penale ndaj zyrtarëve policorë. Më 29 mars të vitit 2018, përmes një aksioni të gjerë të Policisë së Kosovës dhe Agjencisë së Kosovës për Inteligjencë, në orët e hershme të mëngjesit u arrestuan 6 shtetasit turq.

Pas arrestimit ata u dërguan në Aeroportin Ndërkombëtar të Prishtinës “Adem Jashari”, prej ku duke shfrytëzuar një fluturim privat, u dërguan në Turqi.

Pas mbërritjes atje, u përballën me një proces gjyqësor, ku në fund, u dënuan me 56 vjet dhe 7 muaj e gjysmë burgim.

Arrestimit dhe dëbimit i parapriu revokimi i lejeve të tyre të qëndrimit për të cilin veprim, më vonë, gjykata tha se ishte i jashtëligjshëm.

Nga pesë shtetasit turq, tre prej tyre posedonin leje të përhershme të qëndrimit, përkatësisht Mustafa Erdem, Yusuf Karabina, Karhaman Demirez, ndërsa dy prej tyre Hasan Husein Demir dhe Cihan Ozkan kishin leje të përkohshme.

Njëri nga të dënuarit në këtë rast është Hasan Gunakan, i cili u arrestua gabimisht në vend të Hasan Demir, por përkundër kësaj, ai u akuzua dhe u shpall fajtor nga një gjykatë në Turqi më 28 janar, 2020.

Të vetmet veprime që u ndërmorën pas dëbimit, ishte shkarkimi i asokohe drejtorit të AKI-së, Driton Gashi dhe ministrit të Brendshëm, Flamur Sefaj. Ata u shkarkuan me vendim të asokohe kryeministrit, Ramush Haradinaj, vetëm pak kohë pas operacionit.

Familjet e gjashtë shtetasve turq ngritën një padi ndaj institucioneve të Kosovës në vitin 2018 për arrestim dhe ndalim arbitrar të familjarëve të tyre. Disa nga familjarët kanë kërkuar azil në Kosovë e disa të tjerë janë larguar drejt vendeve evropiane.

## Osmani shkarkon Rikallon nga KQZ-ja

**PRISHTINË, 22 NËNTOR-** Ushtruesja e detyrës së presidentit të Kosovës, Vjosa Osmani ia ka ndërprerë mandatin në Komisionin Qendror Zgjedhor (KQZ), përfaqësuesit të Listës Serbe, Nenad Rikallo. Sipas njoftimit të Zyrës së Presidencës, shkarkimi i Rikallos është bërë

pasi ia ditë më parë ka marrë një pozitë të lartë në të ashtuquajturën Zyre për Kosovën në Qeverinë e Serbisë. “Nenad Rikallos i ndërpritet mandati si anëtar i Komisionit Qendror të Zgjedhjeve të Republikës së Kosovës. Vendimi hyn në fuqi në datën e nënshkrimit”,

thuhet në vendimin e u.d. të presidentit, Vjosa Osmani. Sipas njoftimit, këtë vendim Osmani e ka marrë bazuar në nenin 90 të Kushtetutës së Kosovës dhe Ligjit për zgjedhjet e përgjithshme të Kosovës.

Më 6 shkurt, 2020, Nenad Rikallo, së bashku me nëntë

përfaqësues të tjerë të partive politike, ishte emëruar në KQZ si përfaqësues i Listës Serbe. Rikallo më herët ka mbajtur postin e ministrit të Bujqësisë së Kosovës, në kohën kur qeverinë e udhëhiqte Ramush Haradinaj, por ishte shkarkuar nga ky post më 2 shkurt të vitit 2019.



# Kush i paguan avokatët pranë Gjykatës në Hagë?

PRISHTINË, 22 NËNTOR- Ish-udhëheqësit kryesorë të Ushtrisë Çlirimtare të Kosovës, të cilët po përballen me aktakuza për krime luftime në Dhomat e Specializuara në Hagë, mund të mbesin pa mbulesë të plotë financiare nga shteti për mbrojtjen e tyre. Ata kanë angazhuar avokatë të njohur ndërkombëtarë, e që kostoja e tyre, mund të tejkalojë tarifën e përcaktuara nga Ministria e Drejtësisë e Kosovës. Bashkë me miratimin e Ligjit për Dhomat e Specializuara në gusht të vitit 2015, Kuvendi i Kosovës po ashtu kishte miratuar një ligj, sipas të cilit, çdo i akuzuar potencial nga Dhomat e Specializuara ka të drejtën për ndihmë financiare dhe mbulim të shpenzimeve të mbrojtjes. “Të gjithë personat e akuzuar kanë të drejtën e kërkesës për asistencë në mbulimin e shpenzimeve të mbrojtjes dhe të angazhimit të mbrojtësit të pavarur, me përvojë dhe kompetencë, që paguhet nga buxheti i Kosovës, i alokuara për qëllimet e këtij ligji”, thuhet mes tjerash në këtë ligj. Por, me udhëzimin administrativ MD - Nr. 02/2020, të datës 24 korrik 2020, të nënshkruar nga ministri i Drejtësisë Selim Selimi, përcaktohet se mbulimi financiar i avokatëve, bëhet në bazë të tarifave të përcaktuara nga Oda e Avokatëve të Kosovës; tarifave për avokatë në Holandë; tarifave të shtetit prej nga vjen mbrojtësi dhe tarifave për mbrojtje juridike të personit të akuzuar potencial të Dhomave të Specializuara. Drejtori ekzekutiv i Institutit të Kosovës për Drejtësi (IKD), Ehat Miftaraj, thotë se rregullativa ligjore është e qartë. Sipas tij, ata që në Hagë kanë avokatë të famshëm ndërkombëtarë, do të duhet të paguajnë vetë një pjesë buxhetit. “Mbrojtja e avokatëve ndërkombëtarë mund të jetë shumë, shumë e shtrenjtë, por kjo nuk do të thotë që të njëjtit (të akuzuarit) mund të marrin avokatët më të shtrenjtë për t'i përfaqësuar ata. Këtë mund ta

bëjnë, por përmes buxhetit të tyre”, tha Miftaraj për “Radio Evropë e Lirë”.

## Sa kushton mbrojtja?

Shumat që kërkohen nga avokatët mbeten konfidenciale, por bazuar në përvojat e mëhershme, bëhet fjalë për miliona euro. Micheal O'Reilly ka qenë pjesë e ekipit mbrojtës të ish-kryeministrit të Kosovës, Ramush Haradinaj gjatë proceseve gjyqësore në Tribunalin e Hagës për Krimet në ish-Jugosllavi. Në një shkrim për Irishtimes, O'Reilly, më 23 maj 2015, kishte shkruar se Haradinaj ka paguar 11 milionë euro për mbrojtjen e tij. “I thash atij se do t'i kushtonte 5 milionë euro për të pasur mbrojtjen që i duhet. Në fakt, i kushtoi 11 milionë euro dhe të gjitha ishin donacion nga populli i Kosovës. I thash atij se ky gjykim do t'ia merrte dy vjet të jetës së tij (edhe jetës time) në fakt, ia mori tetë, katër nga të cilat i kaloi në burg”, kishte shkruar O'Reilly. Tashmë, ish-krerët më të lartë të UÇK-së kanë publikuar ekipet e tyre mbrojtëse, e që përbëhen nga emra prominent. Ish-presidenti i Kosovës, Hashim Thaçi do të mbrohet nga Pierre-Richard Prosper, David Hooper dhe Dastid Pallaska. Ish-kreu i Partisë Demokratike të Kosovës, Kadri Veseli ka zgjedhur për avokat britanikun Ben Emmerson, i cili e ka mbrojtur në Tribunalin e Hagës edhe ish-kryeministrin Ramush Haradinaj. Në ekipin mbrojtës të Veselit është edhe britaniku tjetër, Andrew Cayley. Ish-kryetari i Kuvendit të Kosovës, Jakup Krasniqi ka angazhuar avokaten nga Malajzia, Venkateswari Alagendra. Ndërkaq, deputeti i Lëvizjes Vetëvendosje Rexhep Selimi, ka zgjedhur si përfaqësues ligjor në mbrojtjen e tij kundër pretendimeve të Prokurorisë së Specializuar, britanikun David

Young. Avokat më pak të njohur ndërkombëtarisht ka ish-pjesëtari tjetër i UÇK-së, Salih Mustafa që është i akuzuar për krime luftime. Mustafën do ta mbrojë holandezi, Julius Von Bone.

## Transparencë për shpenzimet e mbrojtjes

“Radio Evropë e Lirë” ka kërkuar sqarime nga Ministria e Drejtësisë lidhur me atë se si do të veprohet me rastet kur të akuzuarit do të kërkojnë mbulesë financiare më të madhe se sa parashikohet në tarifën e përcaktuar, por nuk ka marrë asnjë përgjigje. Në bazë të udhëzimit administrativ, ministria do të krijojë një komision, i emëruar nga ministri i Drejtësisë, që do të udhëhiqet nga sekretari i përgjithshëm i ministrisë, e që do të ketë në përgjegjësi miratimin ose refuzimin e kërkesave për financim të mbrojtjes ligjore. Në Institutin e Kosovës për Drejtësi, kërkohet që Ministria e Drejtësisë të jetë transparente në pagesat që do t'i kryejë për avokatët mbrojtës. “Transparenca dhe llogaridhënia janë bazike për të siguruar se të gjithë personat e akuzuar mund të marrin mbrojtjen financiare, në mënyrë të drejtë, të barabartë dhe jo siç ka ndodh deri më tash, kur kjo është bërë në baza selektive”, tha Ehat Miftaraj nga IKD. “Në këtë drejtim, Qeveria e Kosovës duhet të ndryshojë menjëherë taktikën e deritanishme, në mënyrë që çdo lloj i ndihmës financiare të jetë publike dhe kërkesat për ndihmë financiare të jenë po ashtu publike. Kjo do të shmangte mundësinë që persona të caktuar të jenë të privilegjuar e disa të tjerë jo, siç ka ndodhur deri më tani”, shtoi ai. Por, transparencë që po kërkohet nga kjo organizatë, është vënë në pikëpyetje, pasi më 16 nëntor, Ministria e Drejtësisë, ka bërë



amendamentimin e udhëzimit administrativ të datës 24 korrik, 2020, e ku ka publikuar formën e kontratës që do të nënshkruajë me avokatët mbrojtës. Aty përcaktohet se marrëveshjet do të mbesin konfidenciale. “Ministria pranon që kjo marrëveshje si dhe çdo komunikim në të ardhmen në mes të avokatëve dhe klientit ose në mes të avokatëve dhe ministrisë, janë rreptësisht konfidenciale”.

## Si bëhet kërkesa për financimin e mbrojtjes juridike?

Të gjithë të akuzuarit ose të autorizuarit e tyre duhet të plotësojnë një kërkesë zyrtare për mbulimin e shpenzimeve të mbrojtjes juridike. Në këto shpenzime mund të përfshihen të gjitha shërbimet që kryen ekipi mbrojtës, duke përfshirë madje, edhe shpenzimet e zyrës dhe telefonatave, gjë e cila nuk ishte parashikuar në udhëzimin e parë administrativ, e që u lejua në udhëzimin e fundit, të datës 16 nëntor. E njëjta lëndë më tej procedohet nga komisioni i caktuar për këtë çështje. Por, pos mbulimeve të shpenzimeve të përfaqësimit ligjor, shteti do të paguajë edhe për të gjitha shpenzimet e

vizitave të familjarëve të personave të akuzuar nga Dhomat e Specializuara. Kjo është e rregulluar me një udhëzim të veçantë administrativ, të datës 23 korrik 2020. “Çdo person i akuzuar potencial, brenda një viti, ka të drejtë të vizitohet me mbështetje të nevojshme financiare, më së shumti nga dymbëdhjetë anëtarë të ngushtë të familjes, dhe jo më shumë se tre anëtarë të familjes për një vizitë”, përcaktohet në udhëzim. Në këtë kategori përfshihen bashkëshortët, fëmijët, prindërit, vëllezërit dhe motrat. Në kuadër të Ligjit për mbrojtjen juridike dhe mbështetjen financiare të personave të akuzuar potencialë në proceset gjyqësore pranë Dhomave të Specializuara, është përfshirë edhe realizimi i së drejtës për kompensimin e personave të akuzuar për krimet e pretenduara në proceset gjyqësore pranë Dhomave të Specializuara, të shpallur të pafajshëm me vendim të plotfuqishëm. Deri më tash, për proceset e para në Hagë, janë ndarë 61 mijë euro nga Qeveria e Kosovës. Ndërkaq për vitin e ardhshëm, në projektbuxhet janë parashikuar 6,7 milionë euro për mbulimin e shpenzimeve të mbrojtjes të të akuzuarve nga Dhomat e Specializuara.

# Ministria e Jashtme refuzon kërkesën e Vuçiqit që ta vizitojë Kosovën

PRISHTINË, 22 NËNTOR (ER)- Ministria e Punëve të Jashtme dhe Diasporës në Qeverinë e Kosovës, Meliza Haradinaj-Stublla ka bërë me dije se ka refuzuar kërkesën për vizitë në Kosovë të presidentit të Serbisë, Aleksandar Vuçiq dhe dy zyrtarëve të tjerë serbë. Ministria Haradinaj-Stublla ka thënë se kërkesa e presidentit Vuçiq, ministrit të Mbrojtjes, Aleksandar Vulin dhe shefit të Zyrës për Kosovën në Qeverinë serbe Petar Petković për të

vizituar Kosovën, vjen në një kohë kur në Serbi po kryhen gërmime pas gjetjeve të mbetjeve mortore “të shqiptarëve të vrarë e masakruar në luftë, 21 vjet më pas”. Sipas saj, kërkesa për vizitë në Kosovë të zyrtarëve serbë, “ofendim më tepër se provokim”. Vetë ministria Haradinaj-Stublla kishte bërë kërkesë që të shihte nga afër gërmimet në Kizhevok të Serbisë, ku dyshohet për varrezë masive dhe sipas saj, kjo vizitë shtyhet “për një kohë



tjetër”. “Qytetarët e Kosovës, familjet e të pagjeturve, të vrarëve dhe të masakruarve nga forcat policore, ushtarake dhe paramilitare serbe, pyesin me të drejtë se çka do të ndodhë pas zbulimit të varrezave masive dhe rivarrosjes? Deri kur drejtësia ndërkombëtare do të lejojë, që po ata që kryen krimet të kryejnë edhe hetimet e gjykimet?”, ka thënë Haradinaj-Stublla, ka njoftuar MPJD përmes një komunikate për media.

# Nevoja e ndërtimit të autostradës në kohë pandemie



PRISHTINË, 22 NËNTOR- Autostrada që lidh qytetet Istog - Pejë - Deçan - Gjakovë dhe Prizren, apo siç njihet ndryshe "Autostrada e Dukagjinit" është paraqitur në Projektligjin e buxhetit për vitin 2021. Ky projekt po konsiderohet i panevojshëm, në kohën kur Kosova po ballafaqohet me krizë ekonomike për shkak të pandemisë së shkaktuar nga koronavirusi, thotë Skënder Krasniqi, drejtor në Odën e Afarizmit të Kosovës. Për këtë autostradë, në Projektbuxhetin e vitit të ardhshëm janë paraparë 200 mijë euro, kurse nga 200 mijë euro të tjera janë paraparë edhe për vitin 2022 dhe 2023, që në përgjithësi i bie 600 mijë euro.

Qeveria e Kosovës në fund të muajit tetor ka miratuar Projektbuxhetin për vitin 2021. Përqendrimi i fondeve në projekte të mëdha publike, kryesisht infrastrukturë rrugore, është vendim i gabuar në këtë periudhë krize, thotë Krasniqi duke shtuar se të hyrat buxhetore gjatë këtij viti dhe vitin e ardhshëm mund të zvogëlohen. "Qeveria duhet të përkrahë bizneset, prodhimin vendor, eksportin sepse kemi të bëjmë me një gjendje jashtëzakonisht të keqe në raport eksport-import. Ne vazhdimisht kemi kërkuar që qeveria prioritet të ketë përkrahjen e bizneseve për tejkalimin e krizës, në mënyrë që

të Kosova mos të futet edhe në një katastrofë edhe më të rëndë të zhvillimit ekonomik sepse efektet e pandemisë do barten edhe vitin tjetër", tha Krasniqi për "Radion Evropa e Lirë". Humbjet e deritashme në ekonominë e Kosovës, që nga muaji mars i këtij viti, të shkaktuara nga pandemia, sipas përfaqësuesve të bizneseve, vlerësohen të jenë një miliard euro, kurse deri në fund të vitit mund të humbin mbi 30 mijë vende pune. Kërkohet menaxhim efektiv i mjeteve buxhetore Edhe Mejdi Bektashi, profesor në Universitetin e Prishtinës, thekson për "Radion Evropa e Lirë" se ekonomia po përballet

me emergjencë, bizneset për shkak të pandemisë kanë zvogëluar numrin e punëtorëve, rrjedhimisht po rritet edhe shkalla e varfërisë. Ekonomia në këtë situatë, sipas tij, ka nevojë për përkrahje financiare për bizneset dhe rastet sociale. "Qeveria duhet të krijojë rezerva financiare me qëllim që të krijojë rezerva për të ndihmuar bizneset që janë para falimentimit, ndoshta gjysma e tyre nuk mund të funksionojnë vitin e ardhshëm. Por, mos të harrojmë se në Kosovë kemi një situatë shumë të vështirë sociale, kështu që kërkohej menaxhim i mirë", thekson Bektashi.

## Qeveria nuk shqetësohet për zhvillim ekonomik

Por, Skënder Krasniqi thotë se qeveria nuk po shqetësohet për zhvillimin ekonomik dhe mirëqenien e qytetarëve. "Me pasojat e pandemisë bizneset do përballen edhe vitin e ardhshëm. Kështu që qeveria është dashur të ndryshojë strategjinë, qoftë edhe duke hequr dorë nga ndërtimi i kësaj autostrade. Fokus duhet të jetë zhvillimi ekonomik, përmes mbështetjes së bizneseve private nga edhe mbushet buxheti", thotë ai. Investimet publike të financuara nga buxheti janë të nevojshme, por në këtë kohë mund të

pezullohen, thotë Bektashi. "Nëse ne shkatërrojmë ekonominë, nuk na duhen autostradat dhe as objektet infrastrukturore. Prandaj, qeveria duhet të fokuset sa më shpejtë në rimëkëmbjen dhe në ndihmë të bizneseve. Jo, vetëm qeveria por edhe shumë komuna të veprojnë për të shpëtuar bizneset", thekson Bektashi. Autostrada që lidh qytetet Istog - Pejë - Deçan - Gjakovë dhe Prizren, ishte projektuar nga qeveria e kaluar e udhëhequr nga ish-kryeministri, Ramush Haradinaj. Kjo autostradë llogaritet si një ndër më të gjatat në territorin e Kosovës, me 91 kilometra gjatësi. Infrastruktura rrugore kryesisht ka mbizotëruar investimet në Kosovë këto vitet e fundit. Përveç autostradave, investime të mëdha janë përqendruar edhe në ndërtimin e rrugëve lokale e magjistrale. Përqindja më e madhe e buxhetit të Kosovës zakonisht është ndarë pikërisht për ndërtimin e autostradave. Aktualisht, në proces të ndërtimit është edhe autostrada Prishtinë - Gjilan - Konçul, që pritet të lidhë Kosovën me Serbinë Jugore, përkatësisht me Luginën e Preshevës. Autostrada e parë e ndërtuar në Kosovë, ishte ajo që e lidh Kosovën me Shqipërinë, e quajtur "Rruga e Kombit - Ibrahim Rugova". Kurse vitin e kaluar ka përfunduar autostrada "Arbën Xhaferi", e cila shtrihet nga Prishtina në Han të Elezit, në kufi me Maqedoninë e Veriut.

## Odat ekonomike kundër mbylljes totale



PRISHTINË, 22 NËNTOR- Mbyllja totale eventuale po konsiderohet e rrezikshme për humbjen e vendeve të punës dhe falimentimin e bizneseve, duke e dërguar në këtë mënyrë vendin drejt kolapsit.

Kryetari i Odës Ekonomike të Kosovës (OEK), Berat Rukiqi ka thënë se nëse vihen në zbatim masat e mbylljes totale rrezikohet stabiliteti financiar i vendit në aspektin buxhetor. "Mbyllja eventuale është me

rrezik shumë të madh sepse deri tani kemi pasur rrezik për vendet e punës, po ashtu edhe për mbylljen e bizneseve. Ndërkaq tani futemi në atë fazën edhe të rrezikimit të stabilitetit financiar të vendit si

në aspektin buxhetor po ashtu edhe atë financiar. Kjo e bënë të pashmangshëm ndonjë kolaps", ka thënë Rukiqi për EO. Ndërsa, kryetari i Odës Ekonomike Amerikane të Kosovës (OEK), Arian Zeka, ka

theksuar se karantinimi i Prishtinës do të kthente vendin në një situatë të rënies së aktivitetit ekonomik, duke shtuar se rrezikon një pjesë të madhe të kompanive drejt falimentimit.



# Komunat duhet të jenë më përkrahëse në zhvillimin e ekosistemit të ndërmarrësisë



Drejtori ekzekutiv i Odës Amerikane, Arian Zeka, ka thënë se komunat kanë një rol të rëndësishëm në zhvillimin e politikave dhe ekosistemit të ndërmarrësisë, duke theksuar heqjen e barrierave të të bërit biznes në nivel lokal, të shërbyerit si avokues të bizneseve lokale pranë institucioneve qendrore, por edhe përmes ndarjes së fondeve për nxitje të ndërmarrësisë, e cila mes tjerash do të shërbente edhe si motivues për qëndrimin e të rinjve brenda Kosovës

EPOKA  
ERE **Albulena S. MAVRAJ**

PRISHTINË, 22 NËNTOR- Me diskutimin e rolit të komunave në zhvillimin e ekosistemit të ndërmarrësisë janë përmblytur aktivitetet e Odës Ekonomike Amerikane në Kosovë në kuadër të Javës Globale të Ndërmarrësisë që organizohet nën udhëheqjen e Qendrës së Inovacionit të Kosovës.

Drejtori ekzekutiv i Odës Amerikane, Arian Zeka, ka thënë se komunat kanë një rol të rëndësishëm në zhvillimin e politikave dhe ekosistemit të ndërmarrësisë, duke theksuar heqjen e barrierave të të bërit biznes në nivel lokal, të shërbyerit si avokues të bizneseve lokale pranë institucioneve qendrore,

por edhe përmes ndarjes së fondeve për nxitje të ndërmarrësisë, e cila mes tjerash do të shërbente edhe si motivues për qëndrimin e të rinjve brenda Kosovës.

Ai ka folur edhe për rolin e veshëm të Qendrës së Inovacionit (ICK) në mbështetje të ndërmarrësve të rinj, duke theksuar se aktivitetet e kësaj organizate kanë marrë edhe jehonë pozitive anembanë botës. Kryetari i Komunës së Prizrenit, Mytahir Haskuka, ka thekura se për zhvillimin ekonomik në nivel lokal brenda kësaj komune janë identifikuar fushat ku Prizreni ka përparësi strategjike, siç është turizmi, prodhimtaria, bujqësia dhe shërbimet kreative.

Tutje, ai foli për rëndësinë e Parkut të Inovacionit dhe

Trajnimeve në Prizren, si dhe potencialin që ka kjo zonë në nxitjen e ndërmarrësisë së të rinjve por edhe investimeve në përgjithësi.

Po ashtu Haskuka ka folur edhe për funksionalizimin e qendrës së vetme të shërbimeve 'one-stop-shop' me qëllim të lehtësimit të të bërit biznes. Ndërsa duke folur për kapitalin njerëzor, Haskuka i këshilloi të njëjtit të zhvillojnë aftësitë profesionale sipas nevojave të tregut.

Kryetari i Komunës së Gjilanit, Lutfi Haziri, ka përmendur planin strategjik të kësaj komune për zhvillim socio-ekonomik, i cili në fokus ka ndërmarrësinë dhe rritjen e punësimit të grave.

Ai gjithashtu ka folur për strukturën dhe zhvillimin e bizneseve në këtë komunë, duke

theksuar politikën e 'tarifës zero' përmes të cilës janë ulur të gjitha taksat përveç tatimit në pronë, gjë që krijon një lehtësim të madh për veprimtaritë e bizneseve lokale.

Haziri ka theksuar se gjatë pandemisë por edhe më tej, të rinjtë e Gjilanit do të mbështeten në sektorë si ai i teknologjisë e zejtarisë ndërsa shtoi se po punohet edhe rreth riaktivizimit të inkubatorit të biznesit dhe zhvillimit të zonave ekonomike brenda kësaj komune.

Ai ka shtuar se po punohet rreth eliminimit të procedurave burokratike administrative, ndërsa sipas tij, është e rëndësishme që të rritet atraktiviteti i vendit për të rinjtë, dhe krijimi i mundësive dhe lehtësirave për investime në Kosovë.

Shpend Lila, menaxher i trajnimeve, marrëdhënieve me publikun dhe aktiviteteve në Qendrën e Inovacionit të Kosovës (ICK), theks të veçantë i dha nevojës për krijimin e hapësirave rekreative, multifunksionale, të qasshme për publikun e gjerë për zhvillimin e aktiviteteve të natyrës së ndërmarrësisë dhe inovacionit. Lila gjithashtu shprehu

shqetësimin për shuarjen e Ministrisë së Inovacionit, e cila do të shërbente si një adrese e vetme për zhvillimin e ndërmarrjeve dhe bizneseve startup, ndërsa për të siguruar zhvillim të mirëfilltë ekonomik dhe promovim të sektorëve me potencial, ai rekomandoi krijimin e inkubatorëve specifik sipas profileve të komunave, në mënyrë që të decentralizohet fokusi në kryeqytet dhe zhvillimi të jetë i barabartë.

Oda Ekonomike Amerikane në Kosovë ka shënuar Javën Globale të Ndërmarrësisë me gjithsej 16 aktivitete virtuale në të cilat kanë marrë pjesë rreth 50 panelistë dhe me një audiencë prej rreth 40,000 personash, ndërsa temat e diskutimeve kanë përfshirë edukimin, gjithëpërfshirjen, politikën dhe ekosistemin e ndërmarrësisë.

Një numër aktiviteteve janë organizuar në partneritet me Ambasadën e Shteteve të Bashkuara të Amerikës, Agjencinë e Shteteve të Bashkuara për Zhvillim Ndërkombëtar (USAID), Agjencinë për Zhvillimin Rajonal - Qendër (RDAC) dhe Kolegjin AAB.

## FMN-ja: Ekonomia botërore do të tkurret me 11 trilionë euro

PRISHTINË, 22 NËNTOR- Prodhimi i Brendshëm Bruto botëror do të bie ndjeshëm, ku të gjithë ekspertët pajtohen për këtë. Ka qasje të ndryshme vetëm në masën e tkurrjes ekonomike dhe perspektivat afatmesme për një kthim në rritje. Fondi Monetar Ndërkombëtar (FMN) pret që ekonomia botërore të tkurret me 11 trilionë euro. "Ky është

recesioni më i madh që nga përplasja financiare e vitit 1929", ka pohuar një ekonomist kryesor i FMN-së, duke shtuar se "asnjë vend nuk do t'i mbijetojë krizës". Si rezultat i krizës ekonomike, deficitet buxhetore në raport me PBB-në do të arrijnë pikën më të lartë që nga fundi i Luftës së Dytë Botërore. Sipas FMN-së, masat për mbështetjen e zhvillimit

duhet të merren dhe vendet e pasura duhet të ndihmojnë edhe më të varfrit. Përveç kësaj, masa të rrepta shtrënguese duhet të merren pas përfundimit të pandemisë për të zvogëluar borxhin publik.

FMN-ja vendos recesionin botëror në 4.9 për qind, ndërsa për 2021 parashikon një rimëkëmbje graduale prej 5.4 për



qind. Sidoqoftë, këto vlerësime janë të vlefshme vetëm me kusht që të mos ketë një valë tjetër

pandemie me imponimin e bllokimeve të reja, të cilat do të forconin çdo kthim në zhvillim.

# PDK-ja kërkon të zbatohet vendimi që liron nga pagesa qytetarët që shfrytëzojnë trafikun urban

PRISHTINË, 22 NËNTOR (ER)- Dega e Partisë Demokratike të Kosovës (PDK) në Prishtinë, ka kërkuar që të nisë zbatimin e vendimit për lirim nga pagesa për qytetarët që shfrytëzojnë trafikun urban.

Asamblisti i PDK-së në Prishtinë, Leutrim Retkoceri, në një konferencë për medie ka thënë se propozimi i partisë së tij është

vendim i marrë nga 11 nëntori. Ai ka thënë se kryetari i Prishtinës, Shpend Ahmeti e ka për obligim zbatimin e vendimeve të Kuvendit Komunal. "Qytetarët sot më shumë se kurrë kanë nevojën për ndihmë, komuna ka të shpenzuar vetëm 60 për qind të buxheti komunal, dhe kjo është një arsye që të zbatohet ky

vendim", ka thënë Retkoceri. Ndërsa nënkryetari i PDK-së në Prishtinë, Ilirik Musliu, ka thënë se shfrytëzimi i trafikut urban do të ndikojë në uljen e ndotjes së ajrit. Ndërkohë, propozimin e PDK-së e kanë mbështetur dhe miratuar edhe asamblistët tjerë në Kuvendin Komunal të Prishtinës.



## Diskutohet draftregullorja për parkingjet e qytetit të Prizrenit



PRIZREN, 23 NËNTOR (ER)- Drejtori i Drejtorisë së Urbanizmit dhe Planifikimit Hapësinor, Beni Kizolli ka zhvilluar një takim punues me inxhinierët e komunikacionit rrugor, të cilët janë edhe mësimdhënës

në Shkollën e Mesme të Lartë Teknike "11 Marsi" në Prizren.

Në këtë takim, drejtori Kizolli dhe inxhinierët e komunikacionit rrugor kanë diskutuar rreth përgatitjes së draftregulloreve për parkingjet

e qytetit të Prizrenit. Me këtë rast, drejtori Kizolli ka bërë me dije se në vazhdim do të organizohen takime edhe me grupet punuese, me të cilat do të bëhet plotësimi i kornizës përmbajtësore të kësaj draftregulloreje.

## Asfaltohen fushat sportive në Gllamnik

PODUJEVË, 22 NËNTOR (ER)- Nënkrjetari i Komunës së Podujevës, Nexhmi Rudari, ka vizituar fshatin Gllamnik, për të parë nga afër punimet në asfaltimin e fushave të hapura sportive. Me këtë rast, Rudari ka thënë se shumë shpejtë

edhe të rinjtë e Gllamnikut do kenë fushat sportive ku do t'i shfrytëzojnë për aktivitetet e tyre.

Ky projekt është investim i bërë nga Komuna e Podujevës, respektivisht nga Drejtorija për Kulturë, Rini dhe Sport.



## Mitrovica, komuna më e varfër në Kosovë

Mitrovicë, 22 nëntor (ER)- Komuna e Mitrovicës është duke u konsideruar si komuna më e varfër në Kosovë. Një gjë e tillë është pasqyruar në statistikën e Agjencisë së Statistikave të Kosovës. Sipas kësaj agjencie, numri i familjeve që kanë kërkuar ndihmë sociale ka shënuar rritje në tremujorin e fundit. 24 mijë e 496 familje janë

pjesë e ndihmës sociale. Gjatë muajve prill - qershor numri i familjeve që kanë kërkuar ndihmë sociale ishte 24 mijë e 339. Komuna me më së shumti familje që përfitojnë nga skema e ndihmave sociale është Mitrovica. Në këtë komunë 2 263 familje përfitojnë nga skema e ndihmave sociale.



## Shpërndahen 400 koshere bletësh për fermerët ferizajas

FERIZAJ, 22 NËNTOR (ER)- Drejtori i Drejtorisë së Bujqësisë dhe Pylltarisë, Burim Bajrami, bashkë me zyrtarët e kësaj drejtorie, kanë bërë shpërndarjen e 400 koshereve të bletëve për 131 përfitues, prej tyre pesë koshere janë ndarë për shkollën e agrobiznesit "Zenel Hajdini" në Ferizaj. "Janë këto

subvencionet e vazhdueshme, si asnjëherë më parë që po shpërndahen nga Drejtorija e Bujqësisë dhe Pylltarisë, të cilat po përmirësojnë dukshëm mirëqenien e bujqve e fermerëve ferizajas, përmes mekanizmave bujqësor, subvencionimit me kultura bujqësore e të tjera për të cilat

e po përfitojnë bujqit e fermerët ferizajas", ka njoftuar Komuna e Ferizajt. Sipas këtij njoftimi, drejtori Bajrami ka thënë se ky aksion, tashmë është bërë i shpeshtë me të vetmin qëllim, rritjen e përkrahjes për veprimtarinë e bletarisë, një numër të madh të kultivuesve të së cilës ka Ferizaj.





**EURO GLASS**  
SAINT-GOBAIN SEKURIT PILKINGTON  
Enveri  
Adr: Fushë Kosovë  
Mob: 044 10 20 10 / 049 145 336  
E-mail: euro.glass@live.com



**QENDRA SPORTIVE**  
**'BUJQËSIA'**  
TEL: 045/82 82 82

# Nuk gabojnë favoritët



**Ballkani dhe Prishtina të dielën kanë realizuar fitore me rezultat identik 4-2, ndaj Llapit, përkatësisht Trepçës '89. Fitore në këtë xhiro kanë shijuar edhe Feronikeli, Drita dhe Gjilani**

**EPOKA E RE** **Veton ZYMBERI**

**PRISHTINË, 22 NËNTOR** - Skuadra e Ballkanit të dielën e mposhti pa asnjë problem skuadrën e Llapit (4-2), duke ia thelluar edhe me shumë krizën e rezultateve në këtë edicion garash. Skuadra e drejtuar nga Ismet Munishi ishte superiore në pjesën e parë të ndeshjes, duke realizuar katër gola. Nazmi Gripshi shënoi dy herë, kurse nga një gol e shtuan Ermal Krasniqi dhe Mirind Daku. Në pjesën e dytë Llapi shënoi dy gola me anë të Elvis Prenci dhe Ahmed Januzi, por kjo ishte e tera që e arriti kjo skuadër në këtë ndeshje. Ballkani përforcohet në krye të elitës me 29 pikë, derisa Llapi mbetet në pozitën e parafundit me vetëm 8 pikë. Të dielën fitore me rezultat 4-2 regjistroi edhe Prishtina në përballje ndaj Trepçës '89, e cila u zhvillua në stadiumin "Fadil Vokrri" në Prishtinë. Vendasve iu deshën vetëm dymbëdhjetë minuta për të kaluar në epërsi me golin e Sabien Lilaj nga penalltia. Në minutën e 27-të,

Kryeziu realizon për 2-0. Në fund të pjesës së parë, Bismarek e ngushton epërsinë në 2-1. Në pjesën e dytë, Besnik Krasniqi realizoi një supergol për rezultat 3-1, derisa Mankenda e shënoi golin e katërt për kryeqytetasit. Mysafirët shënuan edhe golin e dytë nëpërmjet Arbnor Mujës, në minutën e 71-të. Pas kësaj ndeshje, Prishtina është në vendin e katërt me 18 pikë, kurse 89-shi zë vendin e tetë me 14 pikë. Ndërsa të shtunën janë zhvilluar tri ndeshje të xhiros së 13 në Superligën e Kosovës në futboll. Drita shënoi fitore bindëse në udhëtim te Besa, derisa shënuan edhe Feronikeli e Gjilani. Kampionët në fuq e mposhten Besën me rezultat prej 4-1. Nga dy gola për skuadrën gjilanasë i shënuan Betim Haxhimusa e Astrit Fazliu, kurse golin e vetëm për Besën e shënoi Krasniqi. Në Drenas, Feronikeli shënoi ndaj Arbërisë me rezultat 1-0, derisa golin e vetëm në ndeshje e shënoi Albert Dabiqaj në fund të pjesës së parë. Fitore me rezultat 1-0 ka shënuar edhe Gjilani kundër Drenicës, autor i golit të vetëm ishte Nikaq.

SUPERLIGA		
Ballkani - Llapi		4-2
Prishtina - Trepça '89		4-2
Besa - Drita		1-4
Feronikeli - Arbëria		1-0
Gjilani - Drenica		1-0
Tabela		
1. Ballkani	12	29 pikë
2. Drita	11	26
3. Gjilani	12	23
4. Prishtina	12	18
5. Drenica	13	18
6. Feronikeli	13	15
7. Arbëria	13	14
8. Trepça '89	13	14
9. Llapi	12	8
10. Besa	13	6
Në xhiron e radhës takohen: Drita-Feronikeli, Arbëria-Gjilani, Llapi-Prishtina, Trepça '89-Besa, Drenica-Ballkani.		
Grupi A		
Liria - Onix		0-0
Vushtrria - Istogu		0-1
Drenasi - Dukagjini		2-2
Vëllaznimi - A&N		0-1
Malisheva - Trepça		1-0
Grupi B		
Ulpiana - KEK-u		2-0
Ferizaj - 2 Korriku		2-0
Dardana - Kika		0-2
Ramiz Sadiku - Vllaznia		0-1
Vitja - Flamurtari		1-1

## SHKURT

### Sot finalja e Kupës së Kosovës, Llapi - Mitrovica

Sot (e hënë) në orën 13:30, në stadiumin "Zahir Pajaziti" në Podujevë do të zhvillohet ndeshja finale e Kupës së Kosovës në konkurrencën e femrave, ndërmjet Llapit dhe Mitrovicës. Kjo finale i takon edicionit garues 2019/2020 dhe ishte paraparë të zhvillohej në periudhën maj-qershor, por për shkak pandemisë dhe orarit të ngjeshur të ndeshjeve ka qenë e pamundur të zhvillohet deri më tani.

### Dy gola dhe dy asistime nga Manaj

Sulmuesi Arb Manaj bëri një hap të rëndësishëm në karrierën në merkaton e verës, teksa kaloi nga Trepça '89, te skuadra e Ligës së Parë turke, Keciorengucu. Aventura në Turqi po ecën shumë mirë, teksa ditën e sotme sulmuesi 22-vjeçar ka shkëlqyer me paraqitjen e tij. Në ndeshjen që skuadra e tij e fitoi 5-0 ndaj Akhisarsporit, Manaj ka shënuar dopietë golash në minutat 18' dhe 33'. Gjithashtu ai ka dhënë edhe dy asistime në golat e tjerë, fillimisht për Ekinxhi në minutën e 47' dhe për Jëllmaz në minutën e 54'. Manaj është zëvendësuar në minutën e 77-të.

### Khaka nuk është i interesuar për ofertën e Interit

Mesfushori i Arsenalit, Granit Khaka nuk mendon largimin nga klubi pavarësisht interesimit të Interit. Khaka në disa ndeshje të këtij edicioni ka mbetur në bankën rezervë. Thuhet se "Neurazurët" janë të hapur që ta shkëmbejnë me mesfushorin Christian Eriksen gjatë afatit dimëror, derisa "Calciomercato", raporton se 28-vjeçari nuk është i interesuar dhe do e refuzojë këtë ofertë.

### Loriana Kuka fitoi medaljen e bronzë

Loriana Kuka është medaliste e bronzë e Evropës, në kategorinë -78 kilogramë të xhudos. Ajo fitoi të bronzën në Kampionatin Evropianë Pragë 2020. Në luftën për të bronzën Lori mposhti italianen Giorgia Stangherlin me shënim të artë. Kjo është medalja e dytë e bronzë evropiane për Lorianën në dy vitet e fundit. Kosova kthehet nga Praga me dy medalje bronzi. Krahas Lorianës, të njëjtën medalje e fitoi të enjten edhe Distria Krasniqi.

## Besa Famgas kalon në raundin e tretë

PEJË, 22 NËNTOR - Besa Famgas e ka fituar bindshëm edhe ndeshjen e dytë të raundit të dytë të Kupës Evropiane. Të dielën në palestërën "Karagaçi" në Pejë, Besa Famgas e mposhti

Bosna Visokon me rezultat 32:20. Ndeshjen e parë, të luajtur të shtunën në Pejë, kampionia e Kosovës e fitoi me rezultat 36:18. Me dy fitore të thella, Besa kalon në raundin e tretë të Kupës

Evropiane. Janë këto fitoret më të larta të Besa Famgas në gara kontinentale. Skuadra pejane ka pretendime për të shkuar edhe më larg se raundi i tretë. Në ndeshjen e dytë rastin të Besa e kanë

fituar lojtarët e rinj, që kanë shfaqur kualitetet. Më efikas ishte Drilon Tahirukaj me 6 gola. Pesë gola i shënoi Arbios Mushkolaj. Në raundin e tretë paraqitet edhe KH Prishtina.



## Bajoku boksieri më i mirë i turneut 'Adem Jashari'

PRISHTINË, 22 NËNTOR - Shpejtim Bajoku është shpallur boksieri më i mirë i turneut ndërkombëtar "Adem Jashari". Finalet e turneut të 22-të me radhë janë organizuar të dielën. "Moti nuk kemi boksuar për shkak të pandemisë. Ky çmim më motivon shumë dhe besoj se do të fitojë edhe shumë tituj. Qëllimi im është që kam për të arritur kulmin", ka thënë Bajoku. Tekniku më i mirë u zgjodh Esthemes Andrey i Bullgarisë, ndërsa boksieri më fer-plej, Arsim Hetemi, nga Maqedonia e Veriut. Boksieri më i mirë i huaj u zgjodh Kimil Rusonov i Bullgarisë, ndërsa Besart Pireva u zgjodh boksieri më i mirë vendor, raporton "KP". Legjenda e boksit Aziz Salihu, themelues njehërit i turneut "Adem Jashari", është ndarë i kënaqur që është zhvilluar turneu, por pranon se ndjehet mungesa e tifozëve. "Më së pari gëzohem që është në pyetje turniri të cilin e kam themeluar unë 'Adem Jashari', kënaqësi dhe po i shohim shumë



ndeshje të forta, të mira.... Po boksojnë rinia aq mirë, kjo është kënaqësi. Unë po habitem nga po dalin kështu, në këtë virus i cili na mbyti... Unë mendoj që duhet me iu ndihmu shumë boksit. Ju po e shihni që krejt shtetet që janë nga tre, katër apo pesë muaj shkojnë nëpër përgatitje, kurse ne me dhjetë ditë shkojmë boksojmë në turnire. Unë po habitem se si po boksojnë me këta të huajtë dhe po fitojnë", ka thënë Salihu. "Është

kënaqësi kur i ke tifozët tuaj, je mësuar. Si përpara unë e di tri herë që e kam mbajtur turneut 'Adem Jashari' i kam pasur nga 7000 - 8000 veta, ishte diçka fenomenale. Ndoshta ky virus tash shkon dhe bëhet më mirë. Boksi për mua është numër një në të gjitha sportet", ka deklaruar Salihu. Në turneut e sivjetmë kanë marrë pjesë boksierë nga Bullgaria, Zvicra, Sllovakia, Maqedonia e Veriut, Malit të Zi dhe Shqipëria.

## Marmarinos: Nuk ka ndeshje të lehta, japim maksimumin nga vetja

PRISHTINË, 22 NËNTOR - Basketbollistët e Kosovës po vazhdojnë përgatitjet para udhëtimit në Bratisllavë, ku do të zhvillojnë dy ndeshjet në kuadër të parakualifikimeve evropiane për Kupën e Botës 2023. "Dardanët" janë të karantinuar për shkak të situatës me pandeminë. Stërvitjet po udhëhiqen nga përzgjedhësi Christos Marmarinos, i cili ka folur për rrjedhën e përgatitjeve. "Stërvitjet po shkojnë shumë mirë. Pandemia na ka shkaktuar probleme sikur çdo ekipi tjetër dhe po mundohemi të përgatitemi në mënyrën më të mirë të mundshme. Jemi duke bërë planet për ndeshjet ndaj Sllovakisë dhe Islandës dhe do të mundohemi që këto plane t'i zbatojmë", është shprehur Marmarinos për faqen zyrtare të FBK-së. Kosova më 26 nëntor do të ndeshet me Sllovakinë, kurse dy ditë më pas me Islandën. "Do të jenë ndeshje të



vështira. Në garat ndërkombëtare nuk ka ndeshje të lehta. Nuk presim ndeshje të lehta. Sllovakia ka gjatësi më të madhe se ne, por duhet të adaptohem dhe të paraqitemi në mënyrën më të mirë të mundshme. Ne kemi mundur Islandën një herë dhe sigurisht se mund ta bëjmë përsëri nëse jemi të fokusuar maksimalisht. Sigurisht

se ajo që mund të garantojmë është angazhimi ynë maksimal", ka shtuar përzgjedhësi i Kosovës. Kosova nga dy ndeshje, ka shënuar dy fitore, duke mundur Islandën dhe Luksemburgun për të qenë lidere e grupit, kurse në muajin shkurt të vitit të ardhshëm do të përballet me Sllovakinë dhe Luksemburgun.

### SHKURT

#### Mullerit i dhemb turpërimi nga Spanja: Jam gati të rikthehem në kombëtare

Sulmuesi i Bayern Munich, Thomas Muller, ka thënë se është i gatshëm të rikthehet në Kombëtaren e Gjermanisë, nëse trajneri Joachim Low ndryshon mendje dhe vendos ta thërras, pas humbjes historike 6:0 që ia shkaktoi Spanja në Ligën e Kombeve. Ylli i Bayernit foli për "Sky Sport Germany" rreth dhimbjes që e kishte ndier pas turpit që Spanja ia shkaktoi Gjermanisë. "Natyrish se të dhemb. Natyrish se vuan për bashkëlojtarët në klub, për lojtarët që i njeh, me të cilët ke luajtur dhe po ashtu për tifozët", ka thënë Muller. "Siç kam thënë, asnjëri nga ne nuk kemi dhënë dorëheqje nga Kombëtarja", ka shtuar Muller.

#### Reali nuk e dëshiron rikthimin e Ronaldos

Real Madridi nuk është duke konsideruar mundësinë ta rikthejë në skuadër sulmuesin Cristiano Ronaldo. Portugezi u largua nga "Santiago Bernabeu" si golashënuesi numër një, pastaj iu bashkua Juventusit në vitin 2018. Sipas "Marca", Ronaldo është i interesuar për rikthimin të Reali, ose së paku largimin nga Juventus, që gjithashtu janë të hapur ta lejojnë të largohet shkak i pagesave të larta. 35-vjeçari është duke vazhduar të shkëlqejë në Seria A dhe pëlqehet nga gjiganti francez, PSG. Sidoqoftë, Reali nuk do ta rikthejë në skuadër lojtarin dhe ribashkimi mund të realizohet vetëm nëse në të ardhmen lojtari bëhet trajner.

#### Guardiola: Dua që Messi ta përfundojë karrierën te Barcelona

Trajneri i Manchester Cityt, Pep Guardiola ka deklaruar se dëshira e tij është që Leo Messi të përfundojë karrierën në skuadrën e Barcelonës. Kohët e fundit është folur për një transferim të argentinasi nga Manchester City në afatin kalimtar të janarit. "Ai është një lojtar i Barcelonës dhe nëse doni të dini mendimin tim, unë kam një mirënjohje të jashtëzakonshme për Barcelonën, për gjithçka që ata bënë për mua. Unë dua që ai ta përfundojë karrierën te Barcelona. Kjo është dëshira ime. Por, unë nuk e di se çfarë do të kalojë nëpër kokën e tij kur t'i përfundojë kontrata", ka thënë Guardiola.

#### Zidane konfirmo se Isco nuk largohet nga Reali

Trajneri i Real Madridit, Zinedine Zidane u mbyll dyert të gjitha skuadrave të interesuara për Iscon. Mesfushori spanjoll, ka pasur pak minuta në këtë sezon dhe në media kanë aluduar shumë lajme, lidhur me largimin e mundshëm të tij nga "Los Blancos" që në merkaton e janarit. Gjithsesi për të shuar këto zëra ka menduar trajneri Zidane, i cili në një intervistë pas ndeshjes ndaj Villarealit, ka theksuar se Isco nuk do të largohet nga Reali pasi vazhdon të mbetet një element shumë i rëndësishëm për skuadrën.

## Pensionohet Pazzini

Sulmuesi italian Giampaolo Pazzini është tërhequr nga futbollit i luajtur. Futbollisti e ka bërë publike lamtumirën e tij,

pas 17 sezonesh, me një postim të gjatë në "Instagram". "Përsëritje futboll, kanë kaluar më shumë se 30 vite

qëkur jemi njohur", ka shkruar "Pazzo" që në sezonin e kaluar ka luajtur te Verona. "Isha një fëmijë herën e parë që kam

shtrënguar një top mes duarve dhe nga ai moment është bërë një mik i pandashëm për mua. Isha një fëmijë si shumë të tjerë,

me një jetë përpara dhe mijëra ëndrra në sirtar që shpresonte të bëhej një ditë një futbollist i Serisë A", ka shtuar Pazzini.

LULËZIM ETEMAJ

Nga motoja e Adem Demaçit „Jo atyne që janë trima me ngrehë gishtin e krimit, por atyne që janë burra me shtri dorën e pajtimit“, të shprehur në romanin „Gjarpijt e gjakut“, e deri te falja e 1169 gjaqeve, 477 plagosjeve dhe 865 ngatërresave, autori i kësaj vepre me vlera të shumfishta nxjerr përpara lexuesit përpjekjet e jashtëzakonshme për ta çliruar popullin shqiptar nga gjarpërinjtë e vërtetë, si parakusht për një mobilizim të përgjithshëm për çlirimin kombëtar.

Bardhyl Mahmuti, politolog

Atje ku nuk ka thjeshtësi, nuk ka as madhësi, thotë një kryepenë botërore. Një nga të pesë nismëtarët autentikë të Lëvizjes së Pajtimin të Gjaqeve (1990-1991) që preferuan thjeshtësinë për madhësinë kombëtare, është autori i këtij libri të vonuar tridhjetë vjet, Lulëzim Etemaj. Kjo lëvizje na transformoi në një shkallë më të lartë qytetërimi. Me pajtimin, unitetin dhe solidaritetin që solli ajo, krijoi, në të vërtetë, parakushtet për luftën triumfuese çlirimtare, falë këtij boshti qytetërues dhe drejtimit të saktë gjeopolitik.

Muhamet Mavraj, publicist

LËVIZJA E PAJTIMIT TË GJAQEVE  
NË KOSOVË (1990-1991)

LULËZIM ETEMAJ



LËVIZJA E PAJTIMIT TË GJAQEVE  
NË KOSOVË  
(1990-1991)




“A po shkruan Barney?”  
 “Ta merr mendja. Shkruaj gjithë kohën e lume”.  
 “A nuk ta ndërpresin punën adhuruesit?”  
 “Jo, ore, ngandonjëherë femrat më gjejnë, ama ato nuk qëndrojnë gjatë”.  
 “A po të shiten librat?”  
 “Po marrë çeçe nga të drejtat e autorit”.  
 “Cila është këshilla juaj për shkrimtarët e rinj?”  
 “Pini, qini dhe pini shumë cigare”.  
 “Cila është këshilla juaj për shkrimtarët e vjetër?”  
 “Në qoftë se ende jeni gjallë, nuk keni nevojë për kurrfarë këshille”.  
 “Çka ju shtyn të shkruani poezi?”  
 “Çka ju shtyn juve të dhjesni?”  
 “Çka mendoni për Reaganin dhe papunësinë?”  
 “S’e çaj kokën as për Reaganin e as për papunësinë. E gjithë kjo më mërzi. Sikur fluturimet në gjithësi dhe Super Bowl”.  
 “Atëherë për çfarë merakoseni?”  
 “Për femrat moderne”.  
 “Për femrat moderne?!”  
 “Po, se ato nuk dinë si të vishen. Këpucët i kanë tmerrësisht të këqija”.  
 “Çfarë mendoni për emancipimin e gruas?”  
 “Sapo të jenë të gatshme të merren me larjen e automobilave, t’i lëvrojnë arat, t’i ndjekin ata dy tipat që e plaçkitën dyqanin e pijeve, apo t’i pastrojnë kanalizimet e ujërave të zeza, kurdo që të jenë të gatshme që bombat në ushtri t’ua hedhin armiqve si sisët në ajër, unë jam i gatshëm të rri në shtëpi dhe t’i laj enët dhe të mërziem duke i mbledhur fijet nga qilimi”.

(Fragment nga tregimi “Emancipimi i gruas”)

4.99 €



Charles Bukowski • Emancipimi i gruas



CHARLES BUKOWSKI  
EMANCIPIMI I GRUAS

Përktheu: Fadil Bajraj



**Lume's Details**  
Estetik & Depilim

044 900 978 | 045 681 898  
Sallon Depilimi Lume's Details  
lumesdetails  
Mbropa Teatrit, 4 Lullat, Rr. Bajram Kelmendi

**Gjeje PUNË**

- Lajme nga tregu i punes
- Shërbime shkrimi

Gjeje Punë ofron shërbime drejtë përgaditjes së:

- CV-së
- Letrën Motivuese
- Parapregaditje për intervistë

facebook [www.facebook.com/gjejepuneshpeite](http://www.facebook.com/gjejepuneshpeite)

RESTAURANT

**SWISS**

TAVERNA

Tel: +377 45 400 156 +386 49 848 553

PRISHTINË

## &gt;&gt; SHPALLJE TË VOGLA &lt;&lt;

► "Ylli B Reisen" shpall të pavlefshme certifikatën e biznesit me nr. 70192337

► Jap banesë me qira afër 60 m2, kati III-Lagja Mati 1 Rr.Z3-Si Theodor Muzaka nr.14. në Prishtinë. Banesa posedon dhoma gjumi dhe sallon, kuzhinë, korridor banjo ballkon . Banesa është e mobiluar komplet, preferoj ta jap banesën me qira për afat të gjatë. Tel: +38344185233.

► Lëshoj banesë me qira në lagjen "Dardania" në Prishtinë. Banesa ka 50 m2, me inventar të kompletuar, banesa ka kuzhinë me sallon, teras, banjo një dhomë gjumi, shpajz dhe korridor, banesa lëshohet për një qift ose për dy vajza. Tel: 044171328.

► Lëshoj shtëpinë me qira në lagjen Velania, pa pagesë sepse shtëpia ka nevojë për përkujdesje ndërsa shpenzimet mujore ti bëjë vetë banuesi si: ujë rrym bërlllok, Tel: 044-608-626.

► Lëshoj banesë me qira për student apo familjar në lagjen "Mati 1" Rr. "Muharrem Fejza", banesa është 70 m2 dhe i plotëson të gjitha kushtet, kati dytë ndërtim i ri tel: 044-686-900.

► Lëshoj banesë me qira, banesa është ndërtim i ri dhe gjendet në lagjen "Mati 1" rruga "Muharrem Fejza" Prishtinë. Tel: 044-686-900.

► Lëshoj banesë me qira në lagjen "Mati 1" përball "Super Vivës", me sipërfaqe mbi 50 m2, kati dytë me ngrohje, klimë, ashensorë etj, çmimi 200 Euro. Tel: 044-185-233.

► Lëshoj banesë me qira garsoniere në Ulpian kati i parë, posedon tre shtretër dhe e mobiluar. Preferohet për studenta ose studente, një qift apo të tjerë. Çmimi është 185 euro. Tel: 044-812-875.

► Lëshoj garsonjer me qira në lagjen Ulpiana kati i parë. Banesa është e mobiluar dhe i plotëson të gjitha kushtet për banim, preferohet për një qift apo tre studentë, mund të merret për kohë të shkurt apo të gjatë. Çmimi është 180 Euro. Tel: 044-812-875.

► Urgjentisht kërkoj një banesë me qira në Prishtinë. Banesa duhet të ketë 1 ose 2 dhoma gjumi e mobiluar ose bënë edhe e pa mobiluar. Çmimi prej: 200-250 €. Tel: 045-660-188

► Lëshoj lokal në qira. Lokali është i pasitur më të gjitha kushtet përcjellëse. Lokali gjendet në lagjen e Boshnjakëve në Mitrovicë. Për informata më të hollësishme mund të na kontaktoni në këtë numër të telefonit: 049-392-275

► Lëshoj banesë me qira në Lagjen Dardania afër "Bill Clintonit", kati tretë, banesa posedon të gjitha kushtet elementare, dy dhoma, kuzhinë e veçanet me pamje nga parku me çmim sipas marrëveshjes tel: 045-891-338 ose 049-616-139

► Lëshoj banesën me qira në lagjen Bregu i Diellit te Furra "Qerimi2", i ka dy dhoma të fjetjes, sallon me kuzhinë, shpajz dhe dy ballkone. Për info 044/332-640.

► Lëshoj banesën me qira në lagjen Bregu i Diellit te Furra Qerimi2, i ka dy dhoma të fjetjes, sallon me kuzhinë, shpajz dhe dy ballkone. Për info 044/332-640.

► Lëshoj banesën me qira e cila gjendet prapa AAK-së me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e tel: viber +37744162783 dhe 049/900-994.

► Lëshoj banesën me qira ne lagjen Bregu i Diellit 2 te banesat e bardha, afër Shkollës Iliria banesa është dy dhomshe e mobiluar komplet, për info lajmërohuni në tel: 044/262-940 dhe 049/ 737-867.

► Lëshoj banesën me qira, e cila gjendet prapa AAK-së, me kushte të volitshme dhe po ashtu me çmim të volitshëm. Për informata më të hollësishme na kontaktoni në numrin e telefonit: 044-162-783.

► Lëshohet banesa me qira ne qendër të Prishtinës afër Sheshit Zahir Pajaziti, banesa është dy dhomshe e mobiluar, lëshohet me qira prej 1 qershori deri me 1 gusht (dy muaj), çmimi sipas marrëveshjes. Për informata në tel. 044/171-328.

► Lëshoj banesën e re me qira në qendër prapa teatrit Kombëtar, me sipërfaqe prej: 60 m2. Banesa ka një dhomë gjumi, sallon dhe kuzhinë. Ka të gjitha pajisjet. Çmimi: 300 Euro. Banesa lëshohet për afate të gjata dhe të shkurtra. Informata në tel: 049/44-888-801 (viber)

► Lëshoj banesë me qira, penthouse. Banesa gjendet te Rrethi i Veternikut në Prishtinë. Banesa ka 150 m2, dhe ka 3 dhoma, dy banjo, 2 garazha si dhe shpajz. Për info mund të na kontaktoni në këtë numër të tel: 049-440-466.

► Lëshoj banesën një dhomshe me qira, ne lagjen Dardania afër Postës Kryesore (posta e Madhe) Kroj i Bardhe, banesa është e mobiluar tërësisht. Për informata lajmërohuni në tel: 044/558-894 Prishtinë.

► Lëshoj me qira banesën e mobiluar te salloni i mobileve "ALBED" në Fushë Kosovë. Banesa i ka 65 metra katrorë dhe është e gatshme për banim. Më shumë informata në: 044/706-079.

► Lëshoj banesën me qira në lagjen "Ulpiana" në Prishtinë, afër AAK-së. Banesa është e mobiluar komplet. Për informata mund të na kontaktoni në këtë numër të telefonit: 044-162-783, si dhe në të njëjtin numër në viber.

► Kërkojmë 4 bashkëbanuese, studente, banesa gjendet te Parku i qytetit, kati i I-rë, ka 3 dhoma, banjo, ballkon, çmimi për person është 50 euro plus shpenzimet. Për info: 045/699-221.

► Lëshohet me qira banesa në lagjen Bregu i Diellit te furra Qerimi 2. Banesa është në katin e tretë, ka sallon dhe kuzhinë si dhe dy dhoma të fjetjes. Numri i telefonit: 044 332 640.

► Lëshohet banesa me qira në Prishtinë në lagjen "Ulpiana", afër AAK-së. Për informata lajmërohuni në tel: 044/162-783

► Lëshoj banesë me qira në Ulpianë, tek Fontana në: E 30-3A, nr.27, kati -IV-. Çmimi sipas marrëveshjes në info: 044-132-368.



## ANNOUNCING THE 2017 QUALITY & SALES AWARDS

### Quality & Sales Award Recipients

[Listed in alphabetical order]

- ★ ARC Refreshments Corporation- Antipolo **Philippines**, Quality
- ★ Embotelladora Central S.A **Paraguay**, Quality
- ★ Fabrica de Bebidas Gaseosas Salvavidas S.A. **Guatemala**, Quality
- ★ Fluidi Sh.p.k. **Kosovo**, Quality
- ★ Indústria e Comércio de Bebidas Funada Ltda **Brazil**, Quality
- ★ Interbrand S.A.L. **Lebanon**, Sales
- ★ Kofola ČeskoSlovensko a.s. **Czech Republic**, Quality
- ★ Obi Zulol CJSC **Tajikistan**, Quality
- ★ Partex Sales sales Beverages Ltd. **Bangladesh**, Quality
- ★ Soft Drinks Georgia **Georgia**, Sales

